



«19» 08 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0121-22

Ձեռնարկողը՝

«Հայգյուղշիննախագիծ» ՍՊԸ

Երևան, Կիևյան 16

Գործունեությունը՝ Ագարակ-Ոսկեվազ-Ոսկեհայր ոռոգման ջրագծի
վերակառուցման աշխատանքների շրջակա
միջավայրի վրա ազդեցության նախնական
գնահատման հայտ

Արագածոտնի մարզ, Աշտարակ համայնք

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ
թիվ ԲՓ 0121-22

<19> 08 2022թ.

Ագարակ-Ոսկեվազ-Ոսկեհատ ոռոգման ջրագծի վերակառուցման շրջակա միջավայրի վրա ազդեցության նախնական գնահատման հայտ

Ձեռնարկող՝

«Հայգյուղիննախագիծ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Արագածոտնի մարզ, Ագարակ, Ոսկեվազ,
Ոսկեհատ բնակավայրեր

Ներածական մաս. Գործունեության նպատակն է իրականացնել Ագարակ-Ոսկեվազ-Ոսկեհատ ոռոգման ջրագծի վերակառուցման աշխատանքներ: Ջրագիծը գտնվում է Ամբերդ գետի հովտում և հանդիսանում է Ագարակ-Ոսկեվազ-Ոսկեհատ գյուղերի ներքին ցանցի մի մասը:

Բոլոր աշխատանքներն իրականացվելու են բնակավայրերի բնակելի տարածքներից դուրս:

Նախատեսվող գործունեությունը, հանդիսանում է Գ կատեգորիայի գործունեության տեսակ, համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 3)-րդ կետի «բ.» ենթակետի:

Նկարագրական մաս. Ագարակ-Ոսկեվազ-Ոսկեհատ(ՄՈւ-11 բաժանարար) բարելավման ծրագրի շրջանակներում անհրաժեշտ է նախագծել՝ 1.937կմ ջրագիծ, իր ջրընդունիչ կառուցվածքով և դեպի Ոսկեհատ գնացող ուղղությամբ ճյուղով՝ 0.34կմ երկարությամբ: Ջրագիծը սկիզբ է առնում նոր նախագծվող ջրընդունիչ կառույցից և անցնելով հարավային ուղղությամբ, հիմնականում Ամբերդ գետի հովտով, հասնում է ուղեգծի վերջը: Ջրագծի վերականգնման համար նախատեսվում է կառուցել փակ ստորգետնյա տեղադրմամբ մոտ 2.28մ երկարությամբ, 500մմ և 315մմ, տրամագծի $Py=0.8$ Պա պոլիէթիլենային խողովակաշար:

Կառուցվող խողովակաշարի սկզբնամասում նախատեսվում է կառուցել ջրհավաք կառուցվածք N1: Ջրհավաք կառուցվածք N1-ը իրենից ներկայացնում է 5.0x7.0մ հատակագծային չափերով և 2.5մ բարձրությամբ հիդրոտեխնիկական կառույց, որը իրականացվում է B15 դասի միաձույլ բետոնից:

Ջրհավաք կառուցվածք N1-ում նախատեսվում է տեղադրել դատարկ մանրահատիկ: Նախատեսվող խողովակաշարի մուտքամասում նախատեսվում է տեղադրել կաղապարիչ:



փական: Խողովակի համար փորվող խրամուղին կունենա սեղանաձև կտրվածք, հատակի 0.8մ լայնություն, 4:1 շեղքի թեքություն, 1.6մ խորություն: Խողովակաշարը նախատեսվում է տեղադրել և մոնտաժել 0.1մ հաստությամբ փափուկ գրունտի շերտի վրա: Խողովակաշարի վերջամասում նախատեսվում է տեղադրել և փականային հանգույց՝ կարգավորող փականով: Խողովակաշարը միանում է Ագարակ-Ոսկեվազ-Ոսկեհատ ջրագծի ներտնտեսային ցանցի գործող 530մմ տրամագծով խողովակաշարին:

Խողովակաշարի Դեպի Ոսկեհատ ճյուղի միացման հանգույցում նախատեսվում է իրականացնել փականային հանգույց N2, իրենց կարգավորիչ փականներով: Խողովակաշարի վերջամասում նախատեսվում է տեղադրել Յարցև տիպի ջրաչափական հոր՝ որը իրականացվում է B 15 դասի միաձույլ ե/բ-ից:

Դեպի Ոսկեհատ ճյուղի խողովակաշարի երկարությունը 340մ է ստորգետնյա տեղադրմամբ, տրամագիծը՝ 315մմ, P 0.8ՄՊա: Խողովակի համար փորվող խրամուղին կունենա սեղանաձև կտրվածք, հատակի 0.7մ լայնություն, 4:1 շեղքի թեքություն, 1.4մ խորություն:

Շինմոնտաժային աշխատանքների շինարարությունն իրականացվելու է ավանդական եղանակներով՝ համապատասխան շինարարական մեքենաների ու մեխանիզմների կիրառմամբ:

Շինարարական տեխնիկայի մուտքը դեպի ոռոգման համակարգերի տարածքներ նախատեսվում է իրականացնել գոյություն ունեցող ճանապարհներով, իսկ շինարարության նյութատեխնիկական մատակարարումն իրականացվելու է լիցենզավորված շինարարական կազմակերպություններից:

Շինարարության նյութատեխնիկական մատակարարումը նախատեսվում է իրականացնել հետևյալ սխեմայով.

- շաղախը և բետոնը կառաքվեն մոտակա բետոնաշաղախային հանգույցներից՝ մասնագիտացված տրանսպորտային միջոցներով: Առաքումը կկազմակերպվի այնպիսի պարբերականությամբ, որ ապահովվի շինարարական աշխատանքների անընդհատությունը:

- հավաքովի ե/բ կոնստրուկցիաների էլեմենտների պատրաստման համար նախատեսվում է օգտագործել հարակից տարածքների շինարարական արդյունաբերության հզորությունները:

Հողային աշխատանքների հաշվարկն իրականացվել է համաձայն երկրաբանական կտրվածքների: Նախատեսվող գործունեության ժամանակ առաջացող թափոնները հիմնականում 4-րդ և 5-րդ դասի են: Դրանք իրենցից ներկայացնում են շինարարության խառը թափոններ, ոչ պիտանի հանույթն ու հողային աշխատանքների դեպքում հողային, ավազային շլամը, ինչպես նաև շինարարական աշխատանքներում ներգրավված անձնակազմի կողմից առաջացրած կենցաղային աղբը:

Նախատեսվող գործունեության տարածքում բուսահողը բացակայում է:

Շինարարական աղբը շինհրապարակից պարբերաբար կհեռացվի տեղական ինքնակառավարման մարմինների կողմից հատկացված վայր՝ ծածկով ապահովված բեռնատարներով:

Կենցաղային աղբի կուտակման համար շինհրապարակն ապահովված կլինի համապատասխան աղբամաններով:

Աշխատանքների իրականացման համար նախատեսվում է օգտագործել բետոնային խառնուրդ, ամրաններ, ջրամեկուսիչ նյութեր, եռակցման էլեկտրոդներ և այլն:



Բնառեսուրսներից օգտագործվելու է միայն ջուր՝ փոշենստեցման և աշխատողների կենցաղային կարիքների համար:

Տեխնիկական ջուրը մատակարարվելու է մոտակա ոռոգման ցանցից, ջրատար մեքենաներով համայնքապետարանի հետ պայմանագրի հիման վրա:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- Իրականացնել կանոնավոր ջրցան շինհրապարակից փոշու արտանետումները նվազագույնի հասցնելու նպատակով:

- Մեքենաների երթևեկությունն անհրաժեշտ է իրականացնել սահմանափակ 30կմ/ժ չգերազանցող արագությամբ՝ երթևեկությունից առաջացող արտանետումները կրճատելու համար:

- Խուսափել մեքենաներն ու սարքավորումները զգայուն ազդակիրների հարևանությամբ կայանելուց, ինչպիսիք են՝ մասնավոր բնակելի տները, փոքր բիզնեսի կետերը, հասարակական շենքերը և այլն:

- Աղմուկ առաջացնող աշխատանքներն անհրաժեշտ է իրականացնել օրվա ցերեկային ժամերին՝ 14:00- 18:00:

- Տեղադրել ցուցանակներ/ ցուցապաստառներ,

- Հետլիցքն իրականացնել հնարավորինս կարճ ժամկետներում և բացառել անիմաստ բաց խրամուղիների առկայությունը:

- Շինհրապարակում ունենալ կեղտաջրերի հեռացման տարա (≥ 3 մ3) և հնարավոր կեղտաջրերը/բետոնաջրերը հեռացնել նախատեսված տարայում:

- Նախքան շինհրապարակից դուրս գալն անհրաժեշտ է իրականացնել անվադողերի մաքրում:

- Անհրաժեշտ է բացառել շինանյութերի և աղբի կուտակումը շինհրապարակից դուրս:

Ըստ նախնական գնահատման հայտի նախատեսվող գործունեության տարածքներում /ազդեցության գոտում/ բացակայում են բնապահպանական տեսանկյունից խոցելի կամ բնության հատուկ պահպանվող տարածքները, ինչպես նաև պատմամշակութային արժեքները: Անմիջապես ջրանցքի վերակառուցման աշխատանքների տեղանքում չկա բնական բուսածածկ և չկան վայրի կենդանիներ:

Ամբողջ ծրագրի շրջակա միջավայրի վրա բացասական ազդեցության նվազեցմանն ու բացառմանն ուղղված միջոցառումների ծախսերի գումարային գնահատումը մոտ 10 մլն. ՀՀ դրամ է:

Պատճառաբանական մաս. Օրենսդրությամբ սահմանված կարգով, Ագարակ-Ոսկեվազ-Ոսկեհատ ոռոգման ջրագծի վերակառուցման վերաբերյալ իրականացվել են հանրային քննարկումներ Արագածոտնի մարզի Աշտարակի համայնքապետարանում, որոնց ընթացքում տեղական ինքնակառավարման մարմիններն ու հանրությունը հավանություն են տվել նախատեսվող գործունեության իրականացմանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, կադաստրի կոմիտեն, ինչպես նաև Արագածոտնի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:



Փորձաքննական պահանջներ

- Վերակառուցման աշխատանքների իրականացման ընթացքում անհրաժեշտ է խստագույնս հետևել շրջակա միջավայրի վրա ազդեցության նախնական գնահատման հայտում ամրագրված բնապահպանական պահանջների և միջոցառումների իրականացմանը, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:
- Շինարարական աշխատանքներն իրականացնել ՀՀ օրենսդրության և նորմատիվատեխնիկական փաստաթղթերի համաձայն՝ պահպանելով շինհրապարակի աշխատանքային անվտանգության կանոնները, բանվորների արտահագուստի և հիգիենայի պահանջները:
- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ համայնքապետարանի հետ համաձայնեցված:
- Համաձայն ՀՀ կառավարության 2002 թվականի ապրիլի 20-ի N438 որոշման 43-րդ կետի՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ հայտնել լիազորված մարմնին:

ԵԶՐԱՓԱԿԻՉ ՄԱՍ

«Հայգյուղշիննախագիծ» ՍՊ ընկերության կողմից ներկայացված Ագարակ-Ոսկեվազ-Ոսկեհատ ոռոգման ջրագծի վերակառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջին կարգի մասնագետ՝

Գրիգոր Մինասյան

